



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De illis qui loca sanctorum sub prætectu religionis inconsultè peragrant. li.

**urn:nbn:de:hbz:466:1-10722**

hoc est sapientiæ Dei copulari, in alienigenarum incurrit amplexus, & vinculis libidinis laqueatus, etiam sacrilegij horrore se polluit: quia simulachrum Cathmos Moabitico idolo fabricauit. Sed quia per propheticam vocem culpam erroris agnouit, nunquam misericordiæ cœlestis extorris est. At forsitan dicas: In neutro testamento lego neque eum penituisse, neque misericordiam consequutum.

*Post penitentiam neminem ad clericatum admittendum. Cap. XLIX.*

**I**llud quoque nos par fuit præuidere, ut sicut penitentiam agere cuiquam non conceditur clericorum: ita & post penitentiam ac reconciliationem, nulli vnquam laico liceat honorem clericatus adipisci: quia quamuis sint omnium peccatorum contagione mundati, nulla tamen debent gerendorum sacramentorum instrumenta suscipere, qui dudum fuerint vasa vitiorum.

*Ex decre. Syricij pa. cap. 14.*

*Grauibus criminibus implicitos ad clerum admissos, magnis quoque vitijs inuolutos clericos officio non motos, comperit Gelasius. Cap. L.*

**C**omperimus etiam, horrendis quibusdam criminibus implicatos, tota discretione summoti, non solum de facis atrocibus necessariam penitentiam non habere, sed nec aliqua correptione penitus succedente, ad diuinum ministerium honoremque contendere. Nonnullos autem in ipsi ordinibus constitutos, grauibus delinquentes facinoribus non repelli, cum & Apostolus clamet: Nemini cito manus imponendas, neque communicandum peccatis alienis: & maiorum veneranda constituta pronuncient, huiusmodi etiam si forte subreperint, tam qui ante peccauerunt, deiectos oportere depelli, quam sacrae professionis oblitos, prauaricatoresque sancti præpositi, proculdubio submouendos.

*Ex decre. Gelasij pa. cap. 18.*

*De illis qui loca sanctorum sub prætextu religionis inconsulte peragrant. Cap. LI.*

**N**am & quibusdam qui Romam, Turonumve, & alia quaedam loca sub prætextu orationis inconsulte peragrant plurimum erratur: sunt presbyteri & diacones & ceteri in clero constituti, qui negligenter viuentes

*Ex concil. Cabillon. cui inter fuit Carolus imper. cap. 45.*

in eo purgari se à peccatis putant, & ministerio suo surgere debere si præfata loca attingant. Sunt nihilominus illi qui putant impunè se, aut peccare, aut peccasse: quia hæc loca oraturi, frequentant. Sunt quidam potentum quia acquirendi census gratia sub prætextu Romani, siue Turonum itineris multa acquirunt, multos pauperum opprimunt, & quod sola cupiditate faciunt, orationum siue sanctorum locorum visitationis causa se facere videri affectant. Super pauperes qui vel ideo id faciunt, vt maiorem habeant materiam mendicandi, de quorum numero sunt illi qui circum quaque vagantes illo se pergere mentiuntur, vel quia tantum sunt vecordes, vt putet se sanctorum locorum sola visitatione à peccatis purgari, non attendentes quod ait beatus Hieronymus: Non Hierosolymam vidisse, sed Hierosolymis bene vixisse, laudandum est. De quibus omnibus imperatoris, qualiter sint emendanda, sententia expectetur: qui verò peccata sua sacerdotibus in quorum sunt parochiis confessi sunt, & ab his agenda penitentia consilium acceperunt, si orationibus insistendo, elemosynas largiendo, mores componendo, vitam emendando, apostolorum limina, vel quorumlibet sanctorum inuisere desiderant, præteritum est deuotio modis omnibus collaudanda.

*De omni peccatore, quoties ceciderit, quod toties resurgere debeat. Cap. LII.*

*Ex dictis Sosis cuiusdam eremiti.*

**D**um quidam frater abbatem Sosium tali sermone sic quereret requireret dicens: Quid faciam pater quoniam cecidi? Illo respondit: Surge inquit. Illo verò se exurrexisse, & iterum cecidisse professo, respondit: Iterum adhuc surge. Cum autem frater frequenter surrexisse & frequenter cecidisse narraret, eodem verò senex vtebatur sermone exclamans, ne desistas surgendo. Cui frater ait: Vtique possum surgere pater explana? Senex dixit: Vtique quiescis in bono opere, aut in malo depressus occumbas. In quocumque opere fuerit homo depressus, in eo iudicabitur.

*Ex dictis Pimeni cuiusdam eremite.*

**Q**uidam frater requisivit abbatem Pimenem dicens: Quid est pater quod dicit Apostolus: Omnia mundi sunt iniqua? At ille dixit ei: Si quis ad hunc sermone peruenit